

Congress Militant

Price 50c
[Solidarity price R1.00]

Paper of the Marxist Workers' Tendency of the ANC



ALLAN BOESAK

ANC kandidaat vir eerste minister van die Wes-Kaap

Weg met

die NP!

Stem ANC!

NELSON MANDELA sê aan Wes-Kaapse mense:



"Ons ken die pyn, leiding gramskap wat die kleurling gemeenskap gely het toe hulle verwyder is van Distrik Ses, Nuwe-land, ens... Jul huise is oorgeneem deur die NP regering en ons sê aan julle: Dit sal nooit weer gebeur nie."

Op Sondag, Februarie 13, het Nelson Mandela aan 'n vergadering in Retreat gepraat. Hy het gesê:

"Binne 72 dae, op 27 April, sal alle Suid-Afrikane die kans kry om die regering van hulle keuse te verkies.

"Vir die eerste keer sal ons almal hoog en trots staan as gelyke burgers in ons land.

"Hierdie verkiesings betref ons gemeenskaplike verlanget vir vryheid, vir vrede, en vir 'n beter lewe vir alle Suid-Afrikane. Op daardie dag sal ons 'n keuse maak.

"Dit sal 'n keuse wees tussen vyf meer jare van wanhoop en geen geleentheid of 'n ANC regering met 'n plan om ons land te laat groei met werks en ander geleentheid.

"Op 27 April kan die Wes-Kaap 'n verskil maak. Ons kan aan die res van die land insluit, en verseker dat ons verandering inlui...of nie.

"Daar is partye wat glo dat hulle vertrou kan word as hulle hul vlag en hul kleure verander. Hulle moet weet ons word nie gekul.

"Die Wes-Kaap het 'n trotse tradisie van stryd en weerstand en veg vir die regte van die mense. Oor die jare het die kleurling gemeenskap gestaan vir geregtigheid, vrede en gelykheid.

"Julle was daar toe die 'Freedom Charter' in 1955 aangeneem was. Die UDF was hier in die Wes-Kaap gelanseerd. Julle was deel van die geboorte van die vakbondsbeweging in die land en die vorming van Cosatu.

"Ondanks al die moeilikhede, het julle deurgekom. Hulle het nie julle moed gebreek nie en hulle het nie geslaag om ons te verdeel nie.

"Dit is die tyd vir hierdie land om iets te doen vir die mense van die Wes-Kaap.

"Toe ek deur die gebied gery het, kon ek die merke van 48 jare van NP regering sien. Maar ek het ook die skrif aan die mure van baie huise gesien... 'NOU IS DIE TYD!'

"Die ANC is toegewy aan ontwikkeling in die Wes-Kaap en as ons praat van 'n beter lewe vir almal, praat ons van 'n beter lewe vir kleurlinge, Indiërs, swart en wit-

mense. Ons bedoel alle Suid-Afrikane.

"Die ANC wil alle Suid-Afrikane die geleentheid gee om in die rykdom van die land te deel en hul lewenswyses te verbeter.

"Ek weet dat baie van ons kinders hier in Retreat en elders hul toevlug geneem het na dwelms, lede geword het van bendes en betrokke geword het by kriminele dade. Dit is as gevolg van werkloosheid, min geleentheid en toenemende armoede. Die kleurling gemeenskap, tesame met die onderdrukte in hierdie land verdien 'n beter lewe. Julle het hierdie pragtige stad gebou, maar tog het julle nooit in sy rykdom gedeel nie.

"Somtyds is die indruk geskep dat regstellende aksies net vir swartmense is. Dit is onwaar. Ek wil julle die versekering gee dat regstellende aksies deur die ANC daarop gemik is om geleentheid te gun aan almal teen wie daar gediskrimineer is as kleurling, African en Indiërs, asook vroue en die ongeskiktes.

"In die Wes-Kaap het ons eenheid nodig om die gehate geskiedenis van die verlede te oorkom.

"Die behuisings tekort in die kleurling gemeenskap is net so kronies as in enige ander swart gemeenskap. Die ANC wil hierdie situasie verander.

"Is dit nie malleigheid dat onderwysers afgedank word terwyl ons kinders meer en beter opvoeding nodig het nie? Is dit nie malleigheid dat, wanneer standarde moet verbeter, ons uitslae nie is wat dit moet wees? Is dit nie malleigheid dat ons matrikulante nie werk kan vind terwyl vaardighede broodnodig is in die land. Dit is nie ons studente wat misluk nie. Dit is die mislukking van die NP regering. Opvoeding is 'n prioriteit vir die ANC.

"Ons kinders en klein-kinders sou nooit die geweld en die lyding, die skaam en die pyn ken wat baie van ons verduur het. Hulle sou hulle kinderjare veilig in die familie geniet, en groot word met gelyke geleentheid om die lewe ten volle te lewe."

Wat die Rekonstruksie en Development Programme bied

* Een miljoen huise binne 5 jaar. Omtrent 200 000 nuwe huise moet per jaar gebou word.

* Teen die jaar 2000 moet 72% van die bevolking met elektrisiteit voorsien wees. Alle skole en klinieke moet so gou as moontlik geelektrefikeer word.

* Skole en klinieke moet binne twee jaar van telefone voorsien word.

* Verbeterde nageboorte versorging en geboortes onder toesig vir alle vroue teen 1999. Al hierdie fasiliteite gratis binne drie jaar.

* Elke vrou sal die reg hê om te kies of sy 'n aborsie wil hê.

* 'n Inentingsprogramme wat 90% van die populاسie dek binne 3 jaar.

* 'n Reuklose toilet stelsel, gepaste sanitasie op die perseel en gemeenskaplike vuilverwydering vir almal binne twee jaar.

* 'n Nasionale publieke werksprogram om paale, skole, klinieke en ander basiese infrastrukture te bou. Die doel van hierdie program is om 2, 5 miljoen werksgeleenthede binne 10 jaar te skep.

* Herverdeling van 30% van die landbougrond binne 5 jaar. 'n Watervoorsieningsprogramme sal voorsien word in die eerste jaar van die RDP om te verseker dat land effektiek gebruik word.

* Rooilint (die weiering van lenings aan die arm gebiede) en ander vorme van diskriminasie by banke teen die armes sal verbied word deur die wet.

* Die instelling van 'n veilige, gemaklike en bekostigbare publieke vervoerstelsel.

* Geen betaling van B.T.W. op basiese noodsaaklikhede.

Stem ANC vir behu

Karel Swartz, 'n senior shop steward van SACTWU, verduidelik waarom hy vir die ANC gaan stem op 27 April:

"Ek sal nooit vir die Nasionale Party stem nie. Ek sal vir die ANC stem, want 'n stem vir die NP is 'n stem vir Hermus Kriel. 'n Man wie se polisiemag ons skoolkinders in 1984 vermink en vermoor het. Sy polisiemag terroriseer ons nog steeds wanneer ons veg vir beter lone.

"Baie kleurlinge sê 'n stem vir die ANC is 'n stem vir swart oorheersing. Ek stem glad nie hiermee nie. In die fabriek veg ons saam met die swartmense. Sedert die 1970 het ons saam geveg en belangrike gevegte gewen. Ons het 'n sterk wapen, Cosatu, gebou om onself te beskerm teen aanvalle van die base.

"In 1989 wou die base ons eenheid vernietig. Hulle het die NP gekry om 'n nuwe wet te maak naamlik die LRA. Hierdie parlementere

wet was om alles waarvoor ons vir die afgelope 20 jaar geveg het van ons weg te neem. Ons moet saamstaan met die swartmense in die Weskaap asook landwyd. Ons was baie sterk en het die base en hul NP regering verslaan. Dit is waarom Cosatu aan die kleurlingmense sê om nie daardie eenheid te verbreek deur vir die NP te stem nie.

NP het geen plan

"Die NP het geen plan vir die kleurling werkers. Hulle sê nie hoe hulle huise aan almal sal gee nie. Hoe hulle gesondheidsdienste binne bereik van almal sal bring nie. Hoe hulle werk en sekuriteit aan almal sal gee nie.

"Die ANC het 'n herstrukturering en ontwikkelings-



Coloured shack-dweller in Kuils River

program. In hierdie dokument sit hulle uiteen hoe hulle ons lewens wil verbeter. Sommige kleurlinge sê die RDP is net vir swart mense. Dit is verkeerd. Ek sal vir die ANC stem want die RDP is vir almal van ons.

"Die ANC sê dat hulle

vrye en verpligte onderwys 'n wet sal maak. Hoe kan dit slegs vir swartmense wees? Alle kinders, swart en bruin, wat tans deur die strate dwaal as gevolg van die onderwysbeleid van die NP sal deur die ANC genoodsaak wees om 'n beter opvoeding te hê tot by stan-

Van die verkiesingsfront

Peter, 'n ZCC lid wat in Hanover Park woon, het na Nyanga gekom om Nelson Mandela te begroet. Hy sê: "Kleurlinge is outyds. Hoe kan hulle selfs nie daaraan dink om vir die NP te stem? Wat het die NP vir hulle gedoen? Hulle het hul verwyder uit Seepunt. Hulle woon nou in Manneburg en Bonteheuwel. Selfs terwyl hulle in die parlement was het hulle niks gekry nie. Hoe kan hulle nou NP stem?"

"Ons is besig om kleurling stemme te verloor aan die NP. Ons moet daardie gat toemaak. Ons het 'n ANC regering nodig in die Wes-Kaap sowel as in Pretoria. Daarom moet kleurlinge hul prioriteite regkry, nie so onnosel weet nie en vir die ANC stem."

Gerry, 'n bootingenieur wat die byeenkoms vir Nelson Mandela in Retreat bygewoon het, het geen twyfel dat die NP uit Mosselbaai, Knysna, George en die plekke doen rondom gejaag sal word nie.

"By Mossgas alleen sal die NP stemme verloor. Die huise in Delft verkrummel as gevolg van swak materiaal, laat staan nog hul belaglike grootte.

"Mugabe is nog sterk. Daar is huise gebou in Zimbabwe, die witman kan net nie gelukkig wees wanneer swartes suksesvol is nie.

"Mandela maak groot beloftes. As hy nie daarby hou nie sal mense hom stenig. Maar vir ons is daar net een uitweg. Ons moet ontslae raak van die NP. Kleurlinge vanaf die Weskus tot die Ooskus durf nie vir die NP stem na wat hulle dan ons gedoen het nie. Oorheersing deur swartmense is nie iets wat ons moet vrees nie. Ons moet saamstaan as dit kom by huise en werk."

'n ANC jeug van Khayelitsha wat gaan werf het in Heidelberg vertel:

"Die kleurlingmense was gereed om met ons te gesels. Hulle sê die NP het baie lede in die gebied. Hulle sê die NP het hulle werk gegee, asook sekuriteit. Wat kan die ANC vir hulle doen?"

"Terwyl ons op pad was, het die kinders vir hul ouers geskree: NP, NP, NP!, moontlik onder die indruk dat daar kospakkies gekom het.

"Die mense was bang vir 'kommunisme' wat, volgens hulle, mense in Rusland en China doodskiet. Maar ons sien daar is vyandigheid jens die NP, selfs tussen diegene met NP ledekaart. Hulle het ons arm gehou. Hulle het ons brutaal verwyder uit Distrik Ses.' Die NP was afskuwelik. Maar hulle is nie seker of die ANC enigsins beter sal wees nie.

"Hulle wou weet wat die ANC hulle kan gee. Sal afdankings eindig? Was regstellende aksie slegs vir

swartmense? Sal die ANC nie hulle werk en huise afneem en aan die swartman gee nie? Hulle het ANC kamerade blameer vir al die misdade in die Wes-Kaap.

"Ons het verduidelik dat die ANC vir behuising en werk vir al die onderdrukte staan, die kleurlinge ingesluit. Deur armoede te eindig skep ons toestande vir vrede en minder misdaad."

Josie Abrahams, lid van die Bellville ANC, het saam met dertig werkers van Bellville Cosatu Local na Belhar gegaan.

"Mense daar het hoë elektrisiteitrekenings en is agterstallig met hul huur.

"Ons het met 'n familie gepraat waar die man werkloos is. Die ma is 'n lid van Nehawu en werk by die Mitchell's Plain mediese sentrum. Sy sê mense by die werk is nie seker vir wie hulle moet stem nie. Hulle wou weet waar 'n ANC regering die geld sou kry om sy beloftes na te kom.

"'n Cosatu shop steward het verduidelik dat die NP al lankal ons belasting geld gemors het deur wanbestuur en korrupsie. Die ANC regering sal deur die mense gekies word aan wie hulle rekenskap moet gee en die geld goed bestee.

"Die ma sê toe ja, sy ken iemand in die weermag wat goeie voordele het. Die NP regering het geld gemors op die weermag, ens. Sy

sal probeer om die mense te oortuig om vir die ANC te stem."

Shafiek Cassiem maak huisbesoeke in die Bokaap. Hy sê: "om ondersteuning te wen vir die ANC in hierdie oorheersende Muslim gebied is moeilik. Hulle vrees dat hulle regte as 'n minderheidsgroep en as Muslims deur meerderheids-groepe oorskadu sal word.

"Maar ongeag van hulle vrese, het Muslims die vryheidstryd in ons land aktief ondersteun, en bowenal het hulle 'n geskiedenis ryk aan voorbeelde van hulle eie verset teen onregverdighe. Sheikh Yusuf, 'n slaaf wat 300 jaar gelede na die Kaap gebring was, het vasesperade geveg teen wit oorheersing.

"Ondersteuning kan aan die Muslim fundamentele organisasies gebied word.

"Ons het ook gevind dat die Islamic Party ondersteuning kry. Ons het reageer: Hoekom hierdie party? Ons het nog nooit vantevore van hulle gehoor nie. Hulle is te klein om huise, sekuriteit en gerief aan ons mense te voorsien. Die ANC verseker vryheid van spraak, geloof, ens. Slegs die ANC kan by sy woord gehou word, nie die NP, DP, of enige ander party nie. Ons toekoms lê nie met klein rassistiese of gelowige verlinkse groepe nie, maar met die ANC waar almal tuis voel: swart en wit, Christen en Muslim."

